



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 32. Epistola Flaviani ad S. Leonem.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

tionem quidquam pronuntiare non possumus. Sæculum V.
A. C. 449.
Ideo ad nos mitte Virum huic Legationi idoneum, qui nos de omnibus, quæ acta sunt, certiores reddat, & doceat, quis novus error contra Fidem subortus sit, ut, sicut Imperator vult, commotos dissensionis fluctus componere valeamus. Id difficile non erit, cum Presbyter Eutyches in suo Libello promiserit, si quidquam reprehensione dignum in sua Doctrina inventum fuerit, illud se lubenti animo emendaturum. Hæc Epistola duodecimo Kalendas Martii, Asterio, & Protogene Consulibus, nempe 18. Febr. 449. & Responsorialia ad Imperatorem prima Martii data est. Ep. 28. al. 7.

§. XXXII.

Epistola Flaviani ad S. Leonem.

Flavianus, acceptis Papæ Litteris, quas ei Comes Pansovius reddidit, data Epistola respondit, in hunc ferme modum: Post. ep. 21.
S. Leon.
Conc. Calced.
I. p. c. 4. Eutyches Apollinaris, & Valentini Hæreses reducit, affirmans, ante Jesu Christi Incarnationem duas esse Naturas, Divinam, & Humanam, at post conjunctionem unam tantum superesse Naturam, atque Corpus ejus, ex Maria assumptum, non esse nostræ Substantiæ, nec Matri consubstantiale, quamvis illud corpus humanum nuncupet. Igitur ab Episcopo Eusebio accusatum, cum in Concilio

Gg 5 suis

Sæculum V.
A. C. 449.

*suis responsis, & ore proprio Hæresin
prodidisset, damnavimus, quod ex Actis
quæ unacum his litteris mittimus, cognosces. Æquum est, ut hæc ad tuam notitiam deferantur, quippe Eutyches, quem Pœnitentiam agere oporteret, ut Deum placaret, & dolorem, quo lugemus civi ruinam, leniret, Ecclesiam nostram tantum multu implere adnititur, schedas conviciis plenas publice affigit, & insolentia intolerabili Libellos supplices Imperatori tradit. Ex tuis quoque perspicimus, eundem litteras ad te dedisse, mendacis repletas; dixit enim, se in Judicio, tradito Libello, ad tuam Sanctitatem appellasse, quod falsum est; sed fallere te velle non erubuit. Hæc omnia te excitent, Sanctissime Pater! ut consueto Tibi vigore istud negotium aggrediaris; communem causam, tanquam tuam, defende! Sententia damnationis, canonicè pronuntiata, tui consensus accedat Auctoritas! denique Eodem Imperatoris confirmata. Nihil jam huic causæ, nisi tuum auxilium, id est, Approbatio deest; sic Pax stabilietur, & sparsus rumor de convocando Concilio, quo omnium Ecclesiarum quies turbaretur, evanescet. Nempe tunc in Oriente percubuerat rumor de convocando Concilio œcumenico, quod etiam Ephesi deinde celebratum.*

§. XXXIII.